

## ١٠ اساطير سقطت عند أقدام كورونا ..د.مجدي إسحق

١- سقطت اسطورة الفلوس قدام الفيروس ..اكتشفنا انها عاجزة أمامه و هو متناهي في الصغر و الفلوس ما بقتش بتعمل السعادة و الحماية ، و تساوي الغني و الفقير ، و تبخرت نصف ثروات ..العالم في شهور بحثا عن علاج أو حماية

٢-سقطت اسطورة الاغنياء و العظماء ..كله تساوي ، ما بقاش فيه

. و لا سعادتك أو جنابك أو فخامتك ..كله بقي من غير حماية و لا، جاه أو سلطة أو عزوة

٣-سقطت اسطورة "انا مهم .. "اهميتك راحت، و تحكمتك و سلطانتك ما بقي لوش اي داعي ..و بقيت قاعد في البيت مستخبي ورا ماسك و جوانتي ، و ما بقاش حد بيدور لا عليك و لا علي .. الحبتين بتوعك من مظهرية و أهمية فارغة

٤-سقطت اسطورة الملكية ..ما بقاش فيه معني للي عندك و انت عارف ان اللي عندك لا بقي ..نافعك و لا ساترك

٥-سقطت اسطورة العمر ..بقي الموت اللي ما كنش علي بالنا ، اقرب لينا من انفاسنا ..و بعد ما ..كنا بنحتفل بالعمر ، بقت السما علي بالنا كل يوم و احنا بنحسب لها ألف حساب

٦-سقطت اسطورة "الخناقات .. "بنتخانق مع مين و علي ايه و ليه و ازاي؟؟ لما اكتشفنا أن .. خلافتنا علي شوية أيام جريت مننا ، و ضيعنا العمر في الكراهية و الغل و الظلم

٧-سقطت اسطورة "بكرة .. "اللاتنين بقي زي التلات و الاربع بقي زي الخميس ..كل يوم زي الثاني مش لاقى حاجة اعملها غير شوية اكل و فرجة علي مواقع التواصل الاجتماعي ..و كده .. بقي العمر بيجري مني و انا اللي كنت باضيعه من غير رسالة حب و خدمة تدي حياتي معني

٨-سقطت اسطورة "العلم "اللي كان فاكر نفسه يقدر علي كل شيء ، بقي واقف عاجز قدام حته فيروس ..و العلماء اللي ياما شككوا في الله و كلامه ، و كسروا وصاياهم و كفروا بيه و اتحدوا .. نظامه و خدموا الأخلاق، بقوا بيدعوه يعلمهم و يلهمهم المخرج من هذا الجحيم

٩-سقطت اسطورة "التأمين .. "ايه اللي بيامن مستقبلك و مستقبل ولادك و بلادك؟؟ مفيش غير ستر الله و حمايته ، و مفيش بلد محمية اكثر من غيرها ، و مفيش حته تهرب لها ، ده حتي السفر .. مش موجود

١٠-سقطت اسطورة "الدول العظمي .. "لا باسبورات امريكا و لا كندا و لا اوروبا نافعة ، و الطب و الحماية عندهم بقت اقل من عندنا ، و الشغل و المستقبل المشرق راح من عندهم و .. تساوت كل البلاد، كبير و صغير

..كورونا صدقوني ح تخلص و اقرب مما تظنوا

لكن اوعي ترجع ثاني بعد ما تخلص تصدق اساطير الدنيا اللي ضحكت بيها عليك و شغلت قلبك ..عن الله و حبه و خدمته و سماه و ابديته

..الخير و النور قادم و بقوة

.. اوعي تخافوا